

ملاحظة: أوقات السيد طوني حدشيتي يكتب باللغة الكنعانية، يلي البعض بسميا لبنانية، والبعض الآخر بسميا عربي دارج. وبيستعمل الحرف العربي إلى حين تنشيط الأبجدية الكنعانية يوماً ما.

مبارح طلع خبر بجريدة "الشرق الاوسط" السعودي، إنَّو الفاتيكان عم يُطلب من المسؤولين المسيحيّين انن يسحبو طرح الفيدراليه من التداول لان "لا مصلحة للمسيحيين في ابتداع مثل هذا النظام الذي يمكن أن يهدد في ظل الظروف الراهنة التعايش الإسلامي – المسيحي".

ف بحب ردّ:

بغض النظر اذا هل المعلومات مضبوطا او لأ، لازم نزكّر عطول أنو الدين المسيحي بيعمل فصل بين الدين والسياسي والآي "اعطي ما لقيصر لقيصر وما لله لله" كثير واضحاً. يعني مع احترامنا الكبير للفاتيكان ولكل الهيكلية الروحية عَنَّا، نحنا منلتزم منن بالتعاليم والتوجيهات الروحية والايمانية. ومش غلط نطلب منو مساعد سياسية إذا هوي قادر. بس مش ياخذ مطرحنا.

اكيد، نحنا ما مننسا ادبش شتغل الفاتيكان سياسي عبر العصور، بمطرح كان معو حق من وجهة نظرو، متلن إسقاط الشيوعي من باب حماية حرية المعتقد وخصوصن المسيحي، وبمطرح كان غلط لو شو ما قال...

وما مننسى انو البطريركي الماروني صرلاً من ١٣٠٠ سنة من ايام البطريرك يوحنا مارون، عم تشتغل سياسي. في ظروف تاريخي ودّت لهل شي، بس هالشي ما بيعني انو هيدا الشي ضمن الفقه المسيحي، وبالتالي انا كمسيحي إلي كامل الحق أرفض وناقش وجهات نظر السياسي تبع مسؤوليني الروحيين.

مع انو الخبر كلّو سوا مبين كأن مشغول على نمط المدرسي المخابراتي تبع "غازي كنعان" و"رستم غزالي"، بس راح افترض أنو الخبر صح ورح كفي بالردّ.

اكبر غلطاً إجت بهل الخبر، انو المسؤولين والاحزاب المسيحيّين مُطالبين بسحب الفيدراليه من التداول! وهيدي شي مش مضبوط، لأن أصلاً المسؤولين والاحزاب المسيحيّين مش عم بطالبو فيا. الافراد المسيحيّين هني لي مع هل الطرح لأن طفح الكيل من كل النواحي ومن احزائن (لي بتضلّ تساير) وبدن يعيشو حياة كريمي بتشبهن!

اكبر خطر على التعايش المسلم - المسيحي هوي أنو هل التعايش يضلّ محطوط بنظام مركزي وحدوي. نظام مركزي وحدوي ما فيو محلّ إلا لقرار واحد... ونحنا بدنا نظام يحملّ قراراتين تتين، واحد للمسلمين وواحد للمسيحيين! مستحيل النظام المركزي الوحدوي ومن بعد ما تجرّب بلبنان ١٠٠ سني ومن بعد ما جيلنا الدم والصراعات "على القرار الواحد" والتعطيل والتخلف والديون والفشل والجوع، أنو يكون البيئة الحاضني للتعايش!

نحننا اكثر ناس مع التعايش، بس ضمن نظام فيديرالي!

نحننا اكثر ناس ضد فكرة اي شخص يغيّر محل سكنو، كرمال هيك عم نطرح نظام فيديرالي!

نحننا اكثر ناس بدنا بلد مستقر ومزدهر وفيو بحبوحا، كرمال هيك عم نشغل لنوصل ع نظام فيديرالي!

نحننا اكثر ناس منمدّ ايدنا للشريك المسلم، بس ضمن المناصفي والحياد وحصرية السلاح ومن الند للند وبعيد عن لغة الاعداد والأرقام، كرمال هيك بدنا نظام فيديرالي!

النظام الفيدرالي متو بدعة، هيدا نظام سياسي موجود بالعلوم السياسيّ و ٢٥ دولي معتمدتو!

التعايش على حسابنا وعلى حساب حريتنا وحساب وجودنا، ما بدنا يا!

مع احترامنا الكامل للفاتيكان، نحننا لي عم نتحملّ المواجهات والطروحات الالغائي ونحننا لي عم نتحملّ شرا الاراضي ونقل النفوس ونحننا لي عم نعاني من نتايج النظام المركزي الوحدوي ونحننا بس يصير في تصادم (بعيد الشرّ ١٠٠ مرّاً)، لي مثل العادي رح نستشهد وننصاب وننزعّب وكل العالم بيتفرّج علينا!